



LALIDIGÜLE DUARI LUEI COVID-DISI
NEFU



LUBA ABELURUNI LUN MUNADAUN



UNAH
UNIVERSIDAD NACIONAL
AUTÓNOMA DE HONDURAS



UNAH 2020

KABA BADÜGA LUEI COVID-DISI NEFU LUBA BEBELURUN TIDAUN BUBAN

Luagu larufun lalugurahan sandi le COVID-19 ya wagaira, aban taundaragun Tuguchu tuban furendei Universidad Nacional Autónoma de Honduras, tuma Aundaruni Lanina uganu luma aduariduni luei COVID-19, aban hañurun adüga aban dugumedu to galabalin sun katei le lunbei hasubudiruni agaranihatiñu hama sun idehatiñu laganangua sandi agei le, kei buri sudagu, hama nadagimerutiñu tidan sun tuyeigu budigü, abugahatiñu gabalabatu, hama sun girigia, lun duarihama itara kei hasefurun luei COVID-19.

Hafu hasubudiruni sun barüwana luagu aban güñein la arani asubudiruti lun aduariduni luma asefuruni luei sandi le: LUN MAFURIDUNI WALAN MUNADAGIÑE, itara luba lubeiti hameinirun ani maluguruniwa hama gürigia ha gayumudihaña iñu luei üruwa wein irumu, ha tima lau baña somu sandi kei buri libime hitaü luma kanser, itara kei dageinatiñu, hama irahüñu ünabu luei keinsi irumu.

LILA DIMUREI LUN SUBUDI

Bioseguridad/ Lameinirun ibagari: Sun lueyeigu lurudu, subudi, dasi o adügaü, lun lanügün fulasu laganagua agaranihani kei si lalidigüle aduariduni luei lalugurahan sandi ubauwagu, o lasügürün somu peisini luagu agaranihati, meinigualamuga lungua luei lagüreweiduni sandi luma ouweni.

Contaminacion/ Peisini: Lwiyei o peisini amigisiruti lidan somu katei o aban fulasu; iwiyei ti le adügati lun mouseruniwalan aban katei gapeisiniti lidan ibagari.

Desinfeccion/ Arumadahani: Larumadahoun luma lakülinihoun sun tulu agei to auseruboun lidan agaranihani lun taküleidun luei peisini luma sun luyerigu iwiyeri

LE LUNBEI BADÜGÜNI LUN BARUMADAGUN BUNGUA DANME BACHÜLÜRÜN BUBIÑON



1. Danme bagaragun lun bubiñon, siñeti baguru luagu ni kata



2. Barugudi lun tabelagüle buban, fidiba aban dabarasi le fadati lau duna luma Kloro lun bouseruni lun tabigiñe bisabadun. Danme le bagaragun munadoun, furumie aban me bachuruni tabugiñe bisabadun lduan dabasi le, le duna atuhati tui bisabadun mosu lidaun ba lan dabarasi le leiguada, larigiñe abn me bichugunu bisabadun luba weyu dei tamaberidun.



3. Anhein asiña badügüni libima dasi le, aban me batuagun kloro tidaun aban gamisa, aban me bahudagunu bisabadun tau, itara iñugiñe tun furumie larigiñe tabugiegiñe, aban me bichugunu luba weyu lidan biyadün sin tabelun munadaun.



4. Ragaboun ilagu to buaguboun, uboun tidoun aban bolusa luba bachibunu lau sabun hakutati, disegüdabaun tui ilagu to bouseruboun lun saransiguaü munada.



5. Düdügüdaba aban gamisa lau musun alkolu, sügügüdeinabei tueigiñe bisuge, faha, gelein, luma gagamuru itara kei sun libiri bumegen le yarafabei lun garabali le peisiniti.



6. Gayarahali bagawarun, seguaba duna buagun lau sabun le hakutati, anhein asiña bagawarun, sun bumegegu le yarafabei lun peisiniduaü aban me bachibuni lau sabun le hakutati, kei buri buhabu, biginebu, bigibu,



7. Lubaragiñe bareiduni sun ketei le banugübei baugudigiñe, harumagüdabei lau duna hakukati le gaganati alkolu luma kloro.

ARITAGUNI LUN ADUARIDUNI

- Haritaguaba herengulan ladügüniwa aban arumadahani le churunti, le uwagubei labugahouwa lun malugunlanibu sandi le.
- Sagü weyu mosu bamigisihani kloro lidan lilugarun dan me le batuaguni, adügabei kei le gaubei barihei tidan liyawadi lidan sedü.

LAMIGISIRUN KLORO LAU DUNA LUN ARUMADAHANI LAU 0.5% KLORO LE CHAPURUGUNA

LAMIGISIRUN KLORO LAU DUNA LUN ARUMADAHANI LAU 0.5% KLORO LE CHAPURUGUNA



UNAH
UNIVERSIDAD NACIONAL
AUTÓNOMA DE HONDURAS

KLORO CHAPUGUNA 1.25%



Cloro al 1,25%

Besera me biama kopu kloro luma ūruwa kopu duna lidaun aban gindili.

KLORO CHAPUGUNA 2.6%



Cloro al 2,6%

Besera me aban kopu kloro luma gadūrū kopu duna lidaun aban gindili.

KLORO CHAPUGUNA 3.5%



Cloro al 3,5%

Besera me aban kopu kloro luma sisi kopu duna lidaun aban gindili.

KLORO CHAPUGUNA 5%



Cloro al 5%

Besera me aban kopu kloro luma nefu kopu duna lidaun aban gindili.

Ingresa a: www.unah.edu.hn/coronavirus

BAGANBAHA UGANU, ABAN ME BAHINGICHUN LUN DUARIBAN LUEI COVID DISI NEFU